

"Бюджеттік инвестициялардың қаржы-экономикалық негіздемесін әзірлеу немесе түзету ережелерін, сондай-ақ заңды тұлғалардың жарғылық капиталына мемлекеттің қатысуы арқылы іске асыру жоспарланған бюджеттік инвестицияларды іріктеуін бекіту туралы" Қазақстан Республикасы Экономикалық даму және сауда министрінің 2010 жылғы 22 шілдедегі № 126 бұйрығына өзгерістер енгізу туралы

Күшін жойған

Қазақстан Республикасы Экономика және бюджеттік жоспарлау министрінің 2013 жылғы 26 шілдедегі № 227 бұйрығы. Қазақстан Республикасының Әділет министрлігінде 2013 жылы 05 тамызда № 8598 тіркелді. Күші жойылды - Қазақстан Республикасы Экономика және бюджеттік жоспарлау министрінің 2014 жылғы 30 маусымдағы № 187 бұйрығымен

Ескерту. Бұйрықтың күші жойылды - ҚР Экономика және бюджеттік жоспарлау министрінің 30.06.2014 жылғы № 187 бұйрығымен.

Заңды тұлғалардың жарғылық капиталына мемлекеттің қатысуы арқылы бюджеттік инвестицияларды тиімді пайдалану мақсатында **БҰЙЫРАМЫН:**

1. «Бюджеттік инвестициялардың қаржы-экономикалық негіздемесін әзірлеу немесе түзету ережелерін, сондай-ақ заңды тұлғалардың жарғылық капиталына мемлекеттің қатысуы арқылы іске асыру жоспарланған бюджеттік инвестицияларды іріктеу ережесін бекіту туралы» Қазақстан Республикасы Экономикалық даму және сауда министрінің 2010 жылғы 22 шілдедегі № 126 (Нормативтік құқықтық актілердің мемлекеттік тізілімінде № 6395 болып тіркелген) бұйрығына мынадай өзгерістер енгізілсін:

Көрсетілген бұйрықпен бекітілген Бюджеттік инвестициялардың қаржы-экономикалық негіздемесін әзірлеу немесе түзету ережелері, сондай-ақ заңды тұлғалардың жарғылық капиталына мемлекеттің қатысуы арқылы іске асыру жоспарланған бюджеттік инвестицияларды іріктеу ережесінде (бұдан әрі – **Е р е ж е л е р**) :

25-тармақ мынадай редакцияда жазылсын:

«25. Осы Ереженің 34 және 35-тармақтарында айтылған ҚЭН, сондай-ақ қосымша материалдарды Әкімшілер титулдық бланкіде бірінші басшының немесе оны ауыстыратын тұлғаның немесе бірінші басшының орынбасарының немесе жауапты хатшының қолы қойылған жеке ілеспе хатпен, сондай-ақ электрондық көшірмесін қоса тіркей отырып ұсынады.

Ілеспе хатта ҚЭН-нің атауы, мәлімделетін сома және Инвестициялардың

жүзеге асырылу жылы, қоса берілген құжаттар тізбесі көрсетіледі.

ҚЭН-нің, сондай-ақ қосымша материалдар, оның ішінде теріске шығарулар, қосымша дәлелдемелердің немесе ҚЭН-ге өзгерістер енгізу туралы ақпараттың әрбір парағына ҚЭН-ді әзірлеуге жауапты Әкімшінің құрылымдық бөлімшесінің б а с ш ы с ы қ о л қ о я д ы .

«Самұрық-Қазына» Ұлттық әл-ауқат қорының (бұдан әрі – Қор) еншілес және тәуелді ұйымдары әзірлеген ҚЭН мен техникалық-экономикалық негіздемені мақұлдауды бюджеттік кредит беру бағдарламаларын, бюджеттік инвестициялар бағдарламаларын жоспарлау мен іске асыру, сондай-ақ оларды түзету кезінде Қор Басқармасы жанындағы тиісті Комитет жүзеге асырады. Уәкілетті мемлекеттік органға жолданатын қаржы-экономикалық және техникалық-экономикалық негіздемелердің әрбір парағына осы бағытқа жауапты Қордың басқарма мүшесі, ал оларға қосымша өзге материалдарға – осы бағытқа жауапты Қордың құрылымдық бөлімшесінің басшысы қол қояды.»;

27-тармақ мынадай редакцияда жазылсын:

«27. Бюджеттік комиссияның қарауына ҚЭН түзету мәселелерін шығару тәртібі былайша жүзеге асырылады:

1) түзетілген ҚЭН-ді қарауды мемлекеттік жоспарлау жөніндегі орталық немесе жергілікті уәкілетті орган осы Ережеде және Қазақстан Республикасының бюджет заңнамасында белгіленген тәртіпте жүзеге асырады;

2) іс-шараларды, техникалық-технологиялық шешімдерді толықтыру және (немесе) өзгерту себебі бойынша ҚЭН түзетілген жағдайда, Әкімші мемлекеттік жоспарлау жөніндегі уәкілетті органға мынадай құжаттарды:

мемлекеттік органның бірінші басшысы немесе оның орынбасары қол қойған салыстырмалы кестелері қоса берілген, ҚЭН бойынша іс-шараларға, техникалық-технологиялық шешімдерге болжанған толықтырулар және (немесе) өзгертулер көрсетілген, мемлекеттік органның бірінші басшысының немесе оны ауыстыратын тұлғаның, немесе бірінші басшының орынбасарының - Әкімшінің қ о л ы қ о й ы л ғ а н ө т і н і м - х а т т ы ;

ҚЭН-нің бастапқы параметрлері қоса берілген, оң экономикалық қорытынды алған ҚЭН-ді бекіту туралы Әкімші бұйрығының көшірмесін (бар болса);

Қазақстан Республикасының Бюджет кодексінің 156-бабында белгіленген рәсімдер сақталмай, тиісті бюджетте бекітілген жобаларды қоспағанда, бұрын ұсынылған ҚЭН-ге берілген мемлекеттік жоспарлау жөніндегі уәкілетті органның оң экономикалық қорытындысының көшірмесін;

бұрын мемлекеттік жоспарлау жөніндегі уәкілетті органның оң қорытындысы алынған сараптамалар қорытындылары және ҚЭН-ді;

түзетілген ҚЭН-ің электронды нұсқасын ұсына отырып, түзетілген ҚЭН түпнұсқасы мен осы Ереженің 19-тармағына сәйкес құжаттарды;

қажет болған кезде осы Ереженің 20-тармағында көрсетілген құжаттарды ұ с ы н а д ы .

3) бекітілген іс-шараларға көзделген шығыстарды ұлғайту немесе қысқарту себебі бойынша ҚЭН түзетілген жағдайда, Әкімші тиісті мемлекеттік жоспарлау жөніндегі уәкілетті органға мынадай құжаттарды:

мемлекеттік органның бірінші басшысы немесе оның орынбасары қол қойған, салыстырмалы кестелері қоса берілген, ҚЭН бойынша іс-шараларға, техникалық-технологиялық шешімдерге болжанған толықтырулар және (немесе) өзгертулер көрсетілген, мемлекеттік органның бірінші басшысының немесе оны ауыстыратын тұлғаның, немесе бірінші басшының орынбасарының - Әкімшінің қолы қойылған өтінім-хатты ұсынады.

Бекітілген іс-шараларға көзделген шығыстар ұлғайтылған жағдайда: қымбаттауға әкелетін мән-жай және себептерді егжей-тегжейлі көрсетуді; бастапқы ҚЭН параметрлерін қоса, оң экономикалық қорытынды алынған ҚЭН-ді бекіту туралы Әкімші бұйрығының көшірмесін (бар болса); кейінге қалдыру шартымен бюджетке енгізілген жобаларды қоспағанда, бұрын ұсынылған ҚЭН-ге берілген тиісті мемлекеттік жоспарлау жөніндегі уәкілетті органның оң экономикалық қорытындысының көшірмесін; мемлекеттік жоспарлау жөніндегі уәкілетті органның оң экономикалық қорытындысын алған кезде бұрын қаралған сараптамалар қорытындылары мен қ ұ ж а т т а р д ы ;

түзетілген ҚЭН-ің электронды нұсқасын ұсына отырып, түзетілген ҚЭН түпнұсқасы және осы Ереженің 19-тармағына сәйкес құжаттарды; қажет болған кезде осы Ереженің 20-тармағында көрсетілген құжаттарды; бюджет қаражатының нысаналы пайдаланылуы, сондай-ақ бұзушылықтардың болмауы туралы Үкімет уәкілеттік берген ішкі қаржылық бақылау органының актісін қоса алғанда, түсіндірме жазба қоса беріледі.

Үкімет уәкілеттік берген ішкі қаржылық бақылау органының актісі Инвестицияларды іске асыру шеңберінде бөлінген барлық бюджет қаражатын қ а м т у ы т и і с .

Үкімет уәкілеттік берген ішкі қаржылық бақылау органының актісіне қол қою мерзімінің ескіруі құжаттарды тиісті мемлекеттік жоспарлау жөніндегі уәкілеттік органға ұсынылған күннен бастап 6 айдан кеш болмауы тиіс.»; 51-тармақ мынадай редакцияда жазылсын:

«51. Мемлекеттік жоспарлау жөніндегі орталық немесе жергілікті уәкілетті орган заңды тұлғалардың жарғылық капиталына мемлекеттің қатысуы арқылы бюджеттік инвестицияларды жүзеге асыру туралы бюджеттік бағдарламалар әкімшілерінің ұсыныстарын және олардың қаржылық-экономикалық негіздемелерін стратегиялық және (немесе) бағдарламалық құжаттарға,

Қазақстан Республикасының заңнамасына сәйкес келуі тұрғысынан қарайды, заңды тұлғаның қаржы шығындары мен кірістерін бағалауды жүзеге асырады және кейіннен тиісті бюджет комиссиясының қарауына шығару үшін олар бойынша экономикалық қорытындылар дайындайды.».

2. Қазақстан Республикасы Экономика және бюджеттік жоспарлау министрлігінің Инвестициялық саясат департаменті (Қ.М. Тұмабаев):

1) осы бұйрықтың Қазақстан Республикасы Әділет министрлігінде мемлекеттік тіркелуін қамтамасыз етсін;

2) осы бұйрықты ол мемлекеттік тіркеуден өткеннен кейін ресми жариялауға жіберсін;

3) осы бұйрықтың Қазақстан Республикасы Экономика және бюджеттік жоспарлау министрлігінің ресми интернет-ресурсында жариялануын қамтамасыз етсін.

3. Осы бұйрықтың орындалуын бақылау Қазақстан Республикасының Экономика және бюджеттік жоспарлау вице-министрі М.Ә. Құсайыновқа жүктелсін.

4. Осы бұйрық оны алғаш жарияланған күннен кейін он күнтізбелік күн өткеннен соң қолданысқа енгізіледі.

Министр

Е. Досаев